

**ԹՈՒՄԱՆԵԱՆԻ ՍՏԵՂԾԱԳՈՐԾՈՒԹԵԱՆ
ԱՐԺԵՒՈՐՄԱՆ ՓՈՐՁԵՐԸ «ԲԱԶՄԱՎԵՊ»
ՀԱՆԴԵՍԻ ԷԶԵՐՈՒՄ
(1890-1923)**

Յայտնի է, որ Մխիթարեանների գրականագիտական-բանասիրական հետաքրքրութիւնների շրջանակը վերաբերում է առաւելապէս հին եւ միջնադարեան շրջանին։ Բայց ժթ. դարի վերջերից որոշակի հետաքրքրութիւն է նկատում նաեւ նոր շրջանի հանդէպ։ Մեծ մասամբ տեղեկատուական մակարդակով պարբերաբար անդրադարձներ են կատարւում նաեւ ընթացիկ գրականութեանը։ Ճիշտ է, գրական լրատունների եւ ընդհանուր տեսութիւնների գերակշիռ մասը վերաբերում էր արեւմտահայ հատուածին, բայց ուշադրութիւնից դուրս չին մնում նաեւ արեւելահայ գրական նորութիւնները։

Մխիթարեանների գրական-մշակութային գործունէութեան այս կողմը, ի հարկէ, յաճախ է արժանացել գրականագէտների ուշադրութեանը, բայց միայն իրենց ուսումնասիրութեան առարկայի որոշակի շրջանակներում։ Մինչդեռ Մխիթարեանների գործունէութեան այս ոլորտը առանձին հետազոտութեան լուրջ առարկայ է հինգ թէկուզ այն առումով, թէ նոր շրջանի գրական խմորումներն ու զարգացման ընթացքը ի՞նչպէս էին ընկալում եւ իմաստաւորուում հոգեբանօրէն ու աշխարհայեացքով զգալիօրէն տարրեր միջավայրի կողմից։ Մեր հաղորդման նպատակն է այս վերջին տեսանկիւնից դիտարկել թումանեանի ստեղծագործութեան ու նրա մերձաւոր շրջապատի որոշ գրական իրողութիւնների մեկնաբանութիւնները մասնաւորապէս «Բազմավեպ» հանդէսի էջերում։

Կարեւոր ենք համարում ուշադրութիւն հրաւիրել այն հանգամանքի վրայ, որ «Բազմավեպը» տարիների ընթացքում թումանեանին անդրադարձել է ոչ այն յաճախականութեամբ ու հետեւողականութեամբ, ինչպէս, ասենք, իսահակեանին, Մատուրեանին,

Լէոյին եւ այլոց:¹ Պարզունակ կը լինէր, ի հարկէ, եզրակացնել, թէ սրանով հանդէսը պարզապէս միւսների համեմատութեամբ աւելի քիչ նշանակութիւն էր տալիս թումանեանի ստեղծագործութեանը կամ թերագնահատում էր նրան: Սա, ինչպէս ցոյց է տալիս եղած նիւթի վերլուծութիւնը, սկզբունքի խնդիր էր. Թումանեանի ստեղծագործական աշխարհը ո՛չ տեսականօրէն, ո՛չ էլ գործնականում շատ առումներով չէր տեղաւորուում այն չափորոշիչների մէջ, որոնք ժամանակն առաջադրում էր հայոց բանաստեղծութեանը յատկապէս երկու դարերի սահմանագծին, եւ որոնք առաւել ընդունելի էին Միիթարեան հանդէսի համար:

«Բազմավէպի» էջերում առաջին անդրադարձը թումանեանի ստեղծագործութիւններին կատարուում է 1895 թուականին. հանդէսի ուշադրութեանն արժանանում է Յ. Թումանեանի, Արշարխուդարեանի եւ Փ. Վարդագարեանի նախաձեռնութեամբ հրատարակուած «Հորիզոն»² հանդէսի առաջին գիրքը (1894): Գրքի մասին մինչ այդ «Տարագ»ում տպագրուել էր Ե. Պալեանի գրախոսականը, որ աչքի էր ընկնում ընդգծուած բացասական շեշտադրութիւններով: Դա մեծապէս պայմանաւորուած էր մի կողմից «Տարագ»ի, միւս կողմից թումանեանի եւ նրա շրջապատի միջեւ այդ տարիներին նկատելի սառնութեամբ: Դրան հակառակ՝ «Բազմավէպ»ի գրախոսը, լայնահայեաց անկողմնակալութեամբ ներկայացնելով գրքի բովանդակութիւնը, եզրակացնում է. «Խօսի ընդհանրացնելով՝ ուրախակից կը լինիմ երատարակչին, որ իւր Հորիզոննը օգտակար հանդէս մայլ աւելցուց մեր լրագրաց եւ ուսումնա-

1 Նկատի ունեմք հանդէսի 1890-1923 բոլոր համարները:

2 «Հորիզոն» հանդէսի մասին համառօտ յիշատակութիւն կայ նաև Մ. Պոտուրեամի «Հայ մամուլը տասնեւիմբնգ տարուան մէջ» ուսումնասիրութեան մէջ (Բազմավէպ, 1909, թիւեր 9, 10, 11, 12): Մասնաւորապէս գրում է. «Վարդագարեան միւրական երատարակչին հեղաւուած է այս գրքը՝ Հորիզոն»ի, որ Շիրվանզադէով եւ Թումանեամով լեցուց իր գրականական հանդէսին էջերը: Շիրվանզադէն վեպ մ՛ունի, «Ցաւագարը» (1-82) եւ ուսումնասիրութիւն մը՝ «Բաֆիի կեանքից» (114-148): Ցովի. Թումանեան «Քաշերի կեանքից» (87-96), «Աղքատի պատիւը» (100-105) վիպակներու հետ ունի ժերթուածներ: Գեղեցիկ ու յաջող գրուածքներէն է «Երկինք եւ երկիր» ժերթուածը (105), որ միւր եղած է նաև Միջնադարեան հայ աշուղթերուն: Հանդէսին մէջ կան նաև արձակ քարգմանութիւններ» (Բազմավէպ, 1909, թիւ 12, 540-541): «Հայ մամուլը տասնեւիմբնգ տարուան մէջ» ուսումնասիրութեան մէջ Թումանեամի՝ իրեւ «Մուրճ» հանդէսին աշխատակցած հեղինակի անունը յիշատակում է նաև թիւ 11ում (495):

թերթից բույն վրայ, որ առանց խօսից – իրօք կամ գործով – կը խոստանայ կատարել գրական ասպարհօին վրայ այնպիսի դեր մի, որուն պետք յիրաւի զգալի էր։ Ապա կրնայ ընթերցաւէր հասարակութիւնն վստահութեամբ ստանալ զայն եւ պիտի տեսնէ, որ գոհ պիտի մնայ նորա բռվանդակութենէն»:³ Այս դիտակէտից էլ արժէւորւում են գրքում ամփոփուած նիւթերը։ Յատկանշական է, որ գրախօսն այդ նիւթերին անդրադառնում է՝ առանց յիշելու հեղինակների անունները, այսինքն՝ նրան հետաքրքրում են ոչ այնքան հեղինակները, որքան ներկայացուած գործերի իրական արժէքը գրականութեան զարգացման շահագրգութիւնների տեսակէտից։

Մասնաւորապէս Թումանեանի գործերի մասին խօսելիս հնչեցնում է համառօտ, բայց խորհելու տեղիք տուող կարծիքներ։ «Քաջերի կեանմից» գրութիւնն, յորում տեղեաց եւ անձանց նկարագիրք մնածագոյն մասը կը գրաւեն, ժողովրդական դիցազներու եւ խաղուց պատկերն է. սովորական եւ ծանօթ նիւթ մի, որ բաւական գեղեցիկ կերպով արտայայտուած է։ «Լեռների հովիւն» զգայուն գրութիւն մի, որ դպրոցականի մի շարադրութեան երեւոյն ունի, եւ որոյ միակ թերութիւնն է թերեւս, ըստ իս, գլխոյն համեմատական չըլլալն մարմնոյն։ «Քերթուածք» մասամբ ինքնագիրք են եւ մասամբ քարգմանութիւնն. ոմանց մէջ Պառնասեան օդոյն ներշնչումն զգալի կ'ըլլայ, մինչ այլք՝ առանց անոր (invita Minerva)՝ բռնազրուիկ գրութիւնն են»։⁴

Այս ընդհանուր դիտարկումների ետեւում Մխիթարեան միջավայրին շատ թէ քիչ ծանօթ ընթերցողը կարող է նշմարել երկու բան։ Նախ՝ անկողմնակալ գրախօսը Թումանեանի վաղ շրջանի այս ստեղծագործութիւնները արժեւորում է գեղագիտական որոշակի աշխարհայեցութեան դիտակէտից, այսինքն՝ դասական արուեստի չափանիշներով, երկրորդ՝ այդ գնահատականները ընդհանուր առմամբ իրական հիմք ունեն։ Թումանեանի վաղ շրջանի այդ երկու քնարական ճեպանկարները՝ «Ես ասացի. «Դու ծաղկում ես...»» եւ «Մի հառաջանք», որ ներշնչուած է Այվազովսկու «Սեւ ծովի ափերը» ծովանկարից, որքան էլ տպաւորիչ են իրենց տեսակի մէջ, ամբողջական պատկերացում չեն տալիս այն Թումանեանի մասին, ում մենք ճանաչում ենք այսօր։ Պառնասականութեան հետ դրանց աղերսը թէեւ ուղղակի չէ, բայց եւ այնպէս գրախօսի տպաւորութիւնը բոլորովին անհիմն չէ, թէեւ եթէ «բռնազրուիկ»

3 Բազմավէպ, 1895, թիւ 3, 112:

4 Անդ, 111-112:

որակումը ինչ-որ իմաստով վերագրելի է «Հառաջանք»ին, ապա «Դու ծաղկում ես»ի վերաբերմամբ հազիւթէ տեղին է:

Գրախօսի՝ թումանեանի արձակ գործերին, մանաւանդ «Քանի կեանքից» պատմուածքին վերաբերող բնութագրումները աւելի մօտ են իրականութեանը եւ հեռու չեն այդ գործերի մասին ժամանակակից պատկերացումներից: Երիտասարդ թումանեանը, իրօք, ճեպանկարային անմիջականութեամբ ուրուագծել է հին առասպելական դիւցազունների յետնորդ քաջերի ոչ պակաս դիւցազնական բարքերի ու բարոյական արժէքների պատկերը՝ պահպանուած ժողովրդի հաւաքական յիշողութեան եւ Լոռու նախաստեղծ բնաշխարհի խորքերում: «Լեռների հովիւը» ճեպանկարի յղացումը կապուած է օրերի հրամայականի հետ՝ համիդեան կոտորածներից աստանդական դարձած հայ լեռնականների ճակատագիր օտար միջավայրում եւ այդ ամէնի հանդէպ արեւելահայ քաղքենիութեան անտարբերութիւն: Այնպէս որ գրախօսի բնութագրումները՝ «զգայուն գրութիւն», այսինքն՝ յուզական լիցք ունեցող, եւ «դպրոցականի մի շարադրութիւն», այսինքն՝ անըռնազբօս անմիջականութեամբ հիւսուած, այսօր էլ ելակէտային կարող են լինել այդ գործերի առարկայական վերլուծութեան համար:

Անդրադառնալով թարգմանական գործերին՝ գրախօսը, միքանի բառերի եւ արտայայտութիւնների թարգմանութեան վերաբերեալ դիտողութիւններով հանդերձ, բաւական բարձր է գնահատում թայրոնի յայտնի բանաստեղծութեան մի հատուածի թարգմանութիւնը, որ տպագրուել էր «Զայլ Հարօլդի երգը» վերնագրով. «Զգիտում,- նկատում է գրախօսը,- թէ «Զայլ Հարօլդի երգն» անգղիերէն բնագրէ՞ն թարգմանուած է, թէ գաղդ. կամ ուստ թարգմանութենէ. բաւական հարազատ է եւ աջող ըստ ինքնեան, ի բաց առեալ միքանի տուններ...»:⁵ Գրախօսը չի անդրադառնում միւս՝ ուստ բանաստեղծ Մ. Իւ. Լերմոնտովի «Անգել» («Հրեշտակ») բանաստեղծութեան թարգմանութեանը, որ իրաւացիօրէն համարում է

5 Անդ, 111: Հետաքրքիր է, որ նոյն օրերին Թիֆլիսում քննադատներից ումանք հակառակ կարծիքի էին թումանեանի բայրոննեան թարգմանութիւնների մասին: Յարութիւն թումանեանն օրինակ՝ ուղղակի գրում է. «Յովհաննես թումանեանի հանաչում էինք իրը հեղինակ ինքնուրոյն ուսանաւորների՝ մանաւանդ գիւղական կեանքից, իւր Մժիրիով ու Շիլիննի կալանաւորով ապացոյցներ է տալիս, որ Լերմոնտովներն ու Բայրոնները նրան մատչելի չեն» (Մուրթ, 1896, թի 5, 653):

Թումանեանի լաւագոյն թարգմանութիւններից մէկը:⁶ Պատճառը հաւանաբար ուստեղէն բնագրին ծանօթ չլինելն է:

Այս անդրադարձից յետոյ թումանեանի ստեղծագործութիւնների մասին «Բազմավեպը» ամբողջ 8 տարի լրում է: Միայն 1903 թուականին հանդէսի Մայիս-Յունիս միացեալ համարում (թիւ 5-6) «Երևանականոց նորագոյն բանաստեղծական դէմքեր» յօդուածում գրող, բանասէր եւ ուսուցիչ Գր. Բալասանեանը, յիշելով հայոց նոր գրականութեան ականաւոր դէմքերին, նկատում է, որ 19րդ դարի 90ական թուականներին հրապարակ եկած չորս բանաստեղծներ՝ Յովհաննես Յովհաննիսեան, Ալեքսանդր Ծատուրեան, Յովհաննես Թումանեան, Լեռենց, «եղան գլխաւորապէս զարկ տուղը եւ իիմք դնողը մեր նորագոյն բանաստեղծական գրականութեան»:⁷

Լեռնցի (Աւետիս - Նազարբեկեան) անուան յիշատակումը այս շարքում պատահական չէր: Նա Յովհ. Յովհաննիսեանի յայտնութեամբ կեանքի կոչուած բանաստեղծական այն սերնդից էր, որ, իրօք, ԺԹ. դարի 90ական թուականներին նոր շրջանի հայոց բանաստեղծութեան մէջ հաստատում էին նոր գաղափարներ, ոճ՝ ստեղծագործող անհատի ազատ ինքնադրսեւորման լայն հնարաւորութիւններով: Դա մի շրջան էր, երբ առաւել գնահատուում էր մթնոլորտի ընդհանուր լիցքաւորման ուղղութիւնը՝ յաճախ տեսադաշտից դուրս թողնելով ստեղծագործողներից իւրաքանչիւրի անհատական ինքնութիւնը, օժտուածութեան տարողութիւնն ու բնոյթը: Զպէտք է մոռանալ, որ թումանեանի 1903ի ժողովածուն, որ շրջադարձային փուլ էր նշանաւորելու բանաստեղծի ստեղծագործութեան մէջ, դեռ հրապարակի վրայ չէր:⁸ Թումա-

6 Ռ. Թադեւսեանն օրինակ՝ այդ թարգմանութեան մասին նկատում է. «Թումանեաննի թարգմանութիւնը հարազատ է բնագրին իր երաժշտականութեամբ», «Թումանեանը գգտում է վերստեղծել բանաստեղծութեան բոլոր պատկերները», «Հրեշտակում» հակադրուած են երկինքն ու երկիրը, Վիշն ու երջանկութիւնը: Այդ հակադրութեան լարուածութիւնն ու դրամատիզմը զարմանալի նշմարտացիութեամբ են վերարտադրուած թումանեանի կողմից» եւ այլն (ՏԱԹԵՎՕԾԻՆ, Բ., *Лермонтов и армянская классическая поэзия*, Ереван 1981, 118):

7 Բազմավեպ, 1903, թիւ 5-6, 201:

8 Թումանեանը 1903 Սեպտեմբերի վերջերին է միայն սկսում նայել տպագրուղ գրքի առաջին թերթերը, ինչի մասին տեղեկացնում է իր բարեկամ Ար. Զարգարեանին ուղղուած մամակում (ԹՈՒՄԱՆԵԱՆ, Յ., Երկերի լիակատար ժողովածու, ՀՀ ԳԱԱ. «Գիտութիւն» հրտ., Երևան 1997, 421-422):

նեանին յաճախ գեռ գնահատում էին 90ական թուականների չափանիշներով ու պահանջներով:

Բալասանեանի յօդուածի երրորդ մասն ամբողջապէս նուիրուած է ազգերի կենսագրութեան մէջ եւ մշակութային կեանքում ժողովրդական բանահիւսութեան տեղի ու նշանակութեան արժէւորմանը: Խօսքը մասնաւորեցնելով «Սասնայ ծոեր» դիւցազնավէպի շուրջ՝ միանդամայն իրաւացիօրէն Սասնայ այդ «մեծ վէպին» արժանի տեղ է վերապահում աշխարհին յայտնի ժողովրդական բոլոր դիւցազնավէպերի շարքում:

Ուշագրաւ է սրան հետեւող դիտողութիւնը. «Ի՞նչ են շինում մեր քանաստեղծերը, ինչո՞ւ չեն գնում սրելու իրենց գրիշները ժողովրդի տանարի մօտ, ինչո՞ւ են լուացրել իրենց ոսկելար քնարները դեպի Արեւելեան վիպաշխարհը, ուր ժողովրդի վառ յիշորութեան մէջ քագնուած, ամբարուած են քանկափին գանձեր եւ փշրանքներ հին-հին դարերի յուշիկներին»:⁹ Այստեղ ըստ էութեան երկու պահանջ է առաջադրուամ: **Մէկը վերաբերում է բանահաւաքներին.** յիշելով Գ. Սրուանձտեանցի, Մ. Աբեղեանի, Բ. Խալաթեանի, Ա. Հայկունու անունները՝ արժանին է մատուցում նրանց երախտաւոր գործունէութեանը: **Միւսը վերաբերում է բանահիւսական նիւթի գեղարուեստական մշակմանը:** Այստեղ առաջինը յիշում է իր անունը՝ արեւելեան եւ Հայկական վիպերգերից «գրական ոնով թանաստեղծական փորձեր»ով, եւ վերջում աւելացնում: «Մենք ունենք եւ երկու գեղեցիկ դիւցազնական պօէմաներ՝ Ղ. Աղայեանի «Տօրք-Անգեղ եւ Հայկանյշ Գեղեցիկ» գորթան երգերից եւ Յ. Թումանեանի «Լուսեցի Սաքօն» Լոռուայ լէլեներից»:¹⁰

Անհասկանալի է, թէ այս վերջինը ինչո՞ւ է դրուած նախորդների շարքում, իսկ ահա «Սասունցի Դաւիթ»ը, որ արդէն տպագրուել էր նոյն թուականին «Մուրմի» 2-5 համարներում, առհասարակ չի յիշում: Կարելի է ենթադրել, թէ «Մուրմի» այն համարները, որտեղ տպագրուած էր դիւցազնավէպը, հեղինակին դեռ չէին հասել: Բայց այդ դէպքում ինչո՞ւ Բալասանեանը յետագյում եւս նպաստաւոր կարծիք չի ունեցել թումանեանի այդ պօէմի մասին: Մնում է ենթադրել, որ Գր. Բալասանեանի այս պահուածքի հիմքում գործել են ինչ-ինչ անձնական նկատառումներ:

9 Բազմավէպ, 1903, թիւ 5, 202:

10 Ա.Ար, 204:

«Բազմավէպ»ն անվերապահ էր իր աշխատակիցների եւ թղթակիցների հաղորդումների հանդէպ, մանաւանդ եթէ դրանք գալիս էին այն միջավայրերից, որոնց հետ հանդէսը անմիջական շփումներ չունէր, տուեալ դէպքում կարող էր ինքը եւս ստացած չլինել «Մուրճի» այն համարները, որտեղ տպագրուել էր թումանեանի բանաստեղծութիւնը:

Իսկ ահա աւելի ուշ՝ 1911 թուականին, «Բազմավէպի» փետրուարեան համարում միանդամայն այլ տեսակէտի ենք հանդիպում այդ քերթուածի մասին: Ստ. կանայանցի «Զոջանց տուն» գրքի (գրքում ներկայացուած էին «Սասնայ ծոերի» երեք փոփոխակներ.- Ե. Մ.) գրախօսութեան մէջ հպանցիկ տրուում է նաեւ «Սասունցի Դաւթի» թումանեանական մշակման սեղմ, բայց բաւական բանիմաց բնութագիրը. «Յովիկ. Թումանեանի ոստանաւոր մշակումը՝ լաւագոյն ձեւն է այս վեպին զոր կարելի է աշակերտներուն ձեռքը դնել, որոնք որ գաւառարարառները չեն հասկնար...»:¹¹ Սա հէնց այն է, ինչ մտածում էր նաեւ բանաստեղծն ինքը իր քերթուածի մասին:¹²

Գրախօսը վէպի թումանեանական մշակման մէջ մի ուրիշ նրբերանգ էլ է նշմարում: Նկատելով, որ «այս վեպին ժողովրդականացումը պիտի տայ մեր ժողովրդեան իր լաւագոյն հոգերանութեան գիտակցութիւնը», եւ որ «[է] իր գրական քննադատութեան մէջ լաւ վեր հանած է վեպի այս նշանակութիւնը՝ աւելացնում է, որ ինքը կ'ուզենար «Դաւթին մէջ գտնել նաև քաղաքակրթուած նրամտութեան գիծ մը քան անիմաստ ոյժ մը»:¹³ Ահա «Քաղաքակրթուածութեան» այս գիծն է տեսնում գրախօսը թումանեանական Դաւթի կերպարում:

11 Բազմավէպ, 1911, թիւ 2, 94:

12 Յայտնի է, որ Թումանեանը, ի պատասխան իր քննադատների, յանախ եր ընդգծում, որ իր քերպուածը գրուած է յատուկ երեխաների համար, ու ձեւը ամենապատշաճն է այդ նպատակի համար: Իր քարեկամների յորդորները՝ շարունակել նոյն ձեւով նաև վեպի միւս հատուածների մշակումը, բանաստեղծը մերժում էր: Վկայութիւններ կան նաև, որ նա ծրագրած ուներ «Սասնայ ծոերի» ամրողական բանաստեղծական մշակումը արդէն հոմերական քերպուածների կամ «Շահ-Նամէի» ոնով ու ոգով: Բայց Թումանեանի ստեղծագործական այս ծրագիրը եւս, անձնական ու ազգային-հասարակական ծանր հանգամանքների քերումով, մնաց անակատար:

13 Բազմավէպ, անդ:

Բալասանեանի յօդուածից յետոյ «Բազմավեպի» յաջորդ անդրադարձը թումանեանի ստեղծագործութեանը 1904 թուի Ապրիլին է՝ «Բանաստեղծութիւններ» երրորդ ժողովածուի (1903) հրատարակման առթիւ: Հեղինակը Մկրտիչ Պոտուրեանն է, որ, «գրական հանդէս» բաժնում ներկայացնելով ոռւսահայ գրական նորութիւնները, համառօտ ակնարկով բնութագրում է նաեւ թումանեանի ժողովածուն:

Հաղորդման սկզբում հեղինակը տեղեկացնում է. «Մանօք են այս գրագէտը ու իր Յարութիւն եղայրը իրենց խել մը Բանաստեղծութիւններ հասորներով»:¹⁴ Զէգոք թուացող այս տեղեկատուութիւնը չի էլ փորձում քողարկել ակնյայտ հեգնանքը առհասարակ ոռւսահայ նորագոյն բանաստեղծութեան հանդէպ, մի բան, որ աւելի ակնառու է դառնում անմիջապէս յաջորդող կտրական հարցադրմամբ. «Գրքին անունը արդեօք պիտի հաւատացնէ՞ ընթերցողին, թէ այդ գրքերու բովանդակութիւնը բանաստեղծութեանց տաղաչափութեան վրայ խօսելու, այդ առանձնաշնորհութիւնը ոռւսահայոց տրուած է»:¹⁵ Այս հեգնական կեցուածքը մէկ անգամ եւս ի յայտ է գալիս մի քանի տող յետոյ. «Յ. Թումանեանց ոռւսահայ է, ուստի բնաւ իրաւունք չպիտի ունենանք անոր բանաստեղծութեանց տաղաչափութեան վրայ խօսելու, այդ առանձնաշնորհութիւնը ոռւսահայոց տրուած է»:¹⁶

Այս ամէնը, ի հարկէ, վերաբերում է հեղինակի անձնական նախասիրութիւնների որորտին եւ մանաւանդ այսօր դարաւոր հեռաւորութիւնից քննարկելի չէ: Բայց որ հարցի այս կանխակալ դրուածքը որոշում է հեղինակի դատողութիւնների ու դիտողութիւնների յետագայ ընթացքը, պէտք է նկատի ունենալ: Առաւել կարեւոր է Պոտուրեանի հիմնական հարցադրումը՝ թումանեանը բանաստեղծ է, թէ ոչ, նրա բանաստեղծութիւնները, նաեւ պարերգերն (քալլադներն) ու քերթուածները բանաստեղծութիւն են, թէ ոչ: Սա արդէն սկզբունքի խնդիր է, եւ գրախօսի կողմից թումանեանի ստեղծագործութիւնների բնութագրումները հասկանալի կարող են լինել միայն այն դէպքում, եթէ նկատի ունենանք, թէ բերուած հակադիր հասկացութիւնների տարբերակման ի՞նչ չափանիշներ է ընդունում նա:

Իսկ այդ չափանիշների մասին միայն կարելի է կուահել գրախօսի մէկ-երկու անուղղակի դիտարկումներից, ինչպէս օրի-

14 ՊՈՏՈՒՐԵԱՆ, Մ., Յովիամանէս թումանեան- բանաստեղծութիւնների, ի Բազմավեպի, 1904, թիւ 4, 185:

15 Անդ:

16 Անդ:

նակ՝ «Թումանեանը եթէ բանաստեղծ համարինք, բայց ո՛չ ամեն գրածը բանաստեղծութիւնն. Լամարդին, Ալիշան, Գամառ-Քաթիպա եւ այն բանաստեղծներ են, բայց անոնց գրուածոց մեջ ալ կա՛ն կտորներ, զորս պէտք է միայն յանուն բանաստեղծին կարդալ»:¹⁷

Այս դիտարկման մէջ էականն այն է, թէ ինչու Լամարդինը, Ալիշանը, Գամառ-Քաթիպան բանաստեղծներ են, իսկ Թումանեանի բանաստեղծ լինելը՝ թէական։ Ամենայն հաւանականութեամբ Պոտուրեանը նկատի ունի այն, որ առաջինները քնարական խառնուածքի ստեղծագործողներ են, իսկ վերջինիս գեղարուեստական մտածողութիւնը առաւելապէս դիւցազներգակ է։ Այս վարկածը հաստատում է նաեւ նրանով, թէ Թումանեանի գրքից յատկապէս ո՛ր ստեղծագործութիւններն են արժանանում գրախօսի ուշադրութեանը, եւ ի՞նչ տեսանկիւնով են բնութագրուում դրանք։

Հստ Պոտուրեանի՝ Թումանեանի «կարն նուագների», այսինքն՝ բանաստեղծութիւնների մի մասի վերնագիրն է միայն գեղեցիկ, միւս մասը նման է վայրի խոսերով ծածկուած դաշտի, «կը քալես, կը քալես մէկ ծաղկի մը միայն կը հանդիպիս, թէեւ այն գեղեցիկ է ու հոտաւէտ»¹⁸։ Այդ գեղեցիկ ու հոտաւէտ ծաղիկներից առանձնացնում է «Եթէ մի օր...» բանաստեղծութիւնը, որ «իր գեղեցկութեամբը, փափուկ մտածողութեամբը բանաստեղծութիւնները նոյնարժէք չեն»։

Զնայած գրախօսի քննադատութեան գուցէ եւ չափից աւելի խստութեանը, որ պայմանաւորուած է բանաստեղծութիւն հասկացութեան մասին քննադատի ինքնօրինակ ըմբռնումով, ի հարկէ, չի կարելի չհամաձայնել քննադատի հետ, որ Թումանեանի գրքում ամփոփուած բոլոր բանաստեղծութիւնները նոյնարժէք չեն։

Հէքեաթների մասին խօսելիս Պոտուրեանը աչքի առաջ ունի այն ծանօթ պատկերացումը, թէ կան բանաստեղծական եւ ոչ բանաստեղծական նիւթեր եւ որ չի կարելի բանաստեղծութիւն գրել ամէն ինչի մասին։ «Լեգենդները որ Երգերուն կը յաջորդեն՝ բանաստեղծութի՞ւն են. այս հարցումը պիտի ընեն ընթերցողները. գրում է նա եւ, խօսքը մասնաւորեցնելով «Շունն ու կատուն» պարերգի շուրջ, աւելացնում.- սա առաջին տունեն արդէն ես ալ

17 Անդ։

18 Անդ։

19 Անդ։

պիտի բողոքեամ որ այդ հեմիաթեները բանաստեղծութեանց մէջ մտնելու պատիւն ունեցեր են»:²⁰ Ու բերում է «Շունն ու Կատուն» պարերգի առաջին վեց տողերը:

Քննադատը պարերգերի համար առհասարակ մերժում է չափածոյ ձեւը եւ ուշադրութեան արժանի չհամարելով դրանք, այն էլ այն դէպքում, երբ դրանց շարքում էին «Ախրամարը», «Անիծած հարսը», «Փարուանան»՝ թեթեւօրէն անցնում է քերթուածներին: Դրանք քննադատի բնութագրմամբ «պատմական բանաստեղծութիւններ են», այսինքն՝ պատմողական սեռի ստեղծագործութիւններ: Իբրեւ այդ սեռի ենթատեսակ՝ «Մարոն», «Անոյշը», «Լոռուցի Սաքոն» համարում են «ծողովրդական բանաստեղծութիւն», այսինքն՝ ուղղուած են «ռամիկ» լսարանին. ««Հա, հա, հա, Տեստես, տես-տես, Վուշ-վուշ, Անուշ, Վուշ-վուշ» եւ այն տողերէն ռամիկ ժողովուրդը աւելի աշխոյժով ընթեռնու, վասն զի այդ բացագանչութիւնը ստէպ իրեն սրտէն ու բերնէն կ'ելնեն»:

Թւում է՝ որոշակի է, որ Պոտուրեանը Թումանեանի այս լաւգոյն քերթուածները գնահատում է դասական գրականութեան մէջ ընդունուած վերին-ստորին սանդղակի չափանիշներով: Վերապահ կեցուածքը այս քերթուածների հանդէպ պայմանաւորուած է նաեւ դրանց չափածոյ ձեւով, որ, քննադատի պատկերացմամբ, անհամատեղելի է պատմողական բնոյթի հետ: Դրանով է պայմանաւորուած նաեւ, որ գրախօսը բաւական զուսպ է արտայայտում «Սասունցի Դաւիթ» քերթուածի մասին. ««Դաւիթ Սասունցին» բանաստեղծական վիպակ մը պէտք է համարել ոտանաւորի առնուած, որուն մէջ Դաւիթ իր հօր բերանը գեղեցիկ նուագներ կը դնէ երբեմն Թումանեան. Սասունցի Դաւիթի բաջութիւններն են զորս կը պատմէ. տեսակ մը դիցագներգութիւն»:

Քննադատն աւելի տրամադրուած է արտայայտում «Դեպի անհունը» եւ «Պօէտն ու Մուսան» քերթուածների մասին, որովհետեւ դրանք գրուած են քնարական շնչով, այսինքն՝ աւելի իրաւունք ունեն բանաստեղծութիւն կոչուելու եւ աւելի յարմար են տեղաւորւում դասական վերին արուեստների ոլորտի մէջ: Այս ընդհանուր մեթոդական դրուածքի շրջանակներում երկու քեր-

20 Անդ:

21 Անդ:

22 Անդ:

Թուածի մասին էլ Պոտուրեանն անում է դիտարկումներ, որոնք այսօր էլ կարող են հետաքրքրութիւն ներկայացնել:

«Դէպի անհունը» քերթուածի մասին նկատում է. «Տիրութեան արտայայտութիւնը, որ միշտ կը տիրէ իր երգին, աւելի կը բարձրանայ և կ'ընդարձակի իր այդ ոտանաւորին մէջ»:²³ Աւելի քան մէկ դար առաջ արուած այս դիտարկումը կանխում է թումանեանի այս քերթուածը նրա ստեղծագործութեան ընդհանուր համակարգից դուրս եզակի երեւոյթ դիտելու՝ այսօր էլ երբեմն նկատուող փորձերը:

«Պօէտն ու Մուսան» քերթուածի մասին, որ ամէնից աւելի է արժանացել քննադատի ուշադրութեանը, գրում է. «Պօէտն ու Մուսան» թումանեանի ներքին ու արտաքին կեանքը կը պատկերացնեն, եռու կը տանջուի նա իր ապագային մտածումով, ամբողջ մարդկութեան ապագայն է որ կը ծանրանայ իր եղանակով վրայ»:²⁴ Քերթուածի իմաստային ենթաշխարհն այս ընդարձակումը ուսումնասիրողներին այսօր էլ կարող է հետաքրքրել՝ բանաստեղծի այս ինքնատիպ ստեղծագործութիւնը մեկնաբանելու նրա բանաստեղծական աշխարհայեցութեան եւ գեղագիտական գաղափարականի յարակցութեամբ:

Այս քերթուածի օրինակով էլ քննադատը բանաստեղծի ստեղծագործական ապագայի վերաբերեալ յանգում է բաւական նպաստաւոր գնահատողական եզրակացութեան. «Թումանեանի այս ոտանաւորը սակայն լի է շատ թանկագին խոհերով, շատ տողեր հերքումն են անցեալ կամ ապագայ երգիծանքներուն որ ուղղուած են հեղինակի քնարին, որուն թրբումը դեռ կ'ուզենք լսել ու կը մաղթենք»:²⁵

Պոտուրեանի յօդուածը անարձագանք չի մնում ուսահայ գրական շրջաններում: «Լումա» հանդէսում տպագրուում է Մինաս Բերբերեանի «Գրականութիւն եւ կեանք» յօդուածը, որտեղ հեղինակը բարձրացնում է քննադատութեան, գեղարուեստի գնահատման լուրջ չափանիշների խնդիրը: Բարձր գնահատելով թումանեանի Յոթ ժողովածուն՝ տարակուսանք եւ զարմանք է յայտնում

23 Անդ:

24 Անդ: Յօդուածում սրան անմիջապէս յաջորդում են բնութագրումներ, որոնք ակնյայտորեն վերաբերում են «Դէպի անհունը» ֆերթուածին: Անշուշտ, շփորմունք է:

25 Անդ:

Պոտուրեանի յօդուածի կապակցութեամբ: Համապատասխան քաղուածքներ կատարելով՝ Պոտուրեանի յօդուածից՝ քննադատը վիճարկում է նրա մի շարք, իր կարծիքով անհիմն դիտարկումներ՝ դրանք համարելով ոչ լուրջ քննական մօտեցման, բանաստեղծի ստեղծագործութեանը լաւ ծանօթ չլինելու հետեւանք. «Ու այս կիսածաղրական, կիսահեգինական ոնով գրուած է ամբողջ յօդուածիկը, – արձանագրում է Բերբերեանը եւ, դիմելով հեղինակին, աւելացնում: – Այ խելօֆ Դաւիթներ. մենի ուրախացել ենք, որ Յովի. Թումանեանը «լեգենդաներ», «հեքիաթներ» եւ «պօէմներ» է գրում եւ այն շատ յաջող, իսկ դրանի բռղոքում են»:²⁶

Պոտուրեանի յօդուածի անուղղակի արձագանքներից է նաև գ. Ենգիբարեանի՝ նոյն թուականին «Տարազ»ում տպագրուած յօդուածը, որտեղ ընդհանուր ակնարկով անդրադառնալով «Բազմավէպ» եւ «Գեղունի»²⁷ հանդէսներին՝ հեղինակը նկատում է, որ այնտեղ վերջին ժամանակներում տպագրուած յօդուածները գուրկ են «առաջնորդող գաղափարներից», շարադրուած են «վայրիկներոյ»: Այսպիսի կտրուկ գնահատականը, կարծում ենք, տեղին չէ: Ինչպէս տեսանք Պոտուրեանի օրինակով, այդ հանդէսների աշխատակիցներն ունին որոշակի սկզբունքներ եւ իրենց քննադատական ելոյթներում դեկավարւում էին դրանցով:

Տարիներ անց՝ 1910 Մայիսի 21-ին, Թումանեանին ուղղուած նամակում Մ. Պոտուրեանը խնդրում է «Գեղունի» հանդէսի՝ 25 «առաջնակարգ հայ գրողներու անտիպ գրուածքներուն նուիրուած» թուի համար ուղարկել իր «ամենաընտիր գրուածքներից» եւ իր ճաշակով կազմել մնացած 24 հեղինակների ցուցակը, ապա աւելացնում. «Ժամանակին ես ատիքը ունեցած եմ Ձեր բանաստեղծութեանց հատորին վրայ գրախօսական մ'ընելու. կը ցախմ, որ մի քանիներ միայն քանի մը դիտողութիւններս կարդալով համարեցան զիս մէկը անոնցմէ, որոնք չեն գնահատած զՁեզ: Ամէն գործ, ամէն գրական աշխատութիւն, ամէն բանաստեղծ կրնան ենթակայ ըլլալ մանր դիտողութեանց. այսօր Հիւկոյէն սկսեալ մինչեւ Վարուժանը տկար էջեր չունի՞ն: Վերը յիշածներս չեն ուզած կարդալ այն տողերս, որ Ձեր բանաստեղծական մտածողութիւնը համահաւասար կը

26 Լումայ, 1904, թիւ 3, 215:

27 Ամենայն հաւանականութեամբ Ակատի ունի Լեռյի՝ 1903 վենետիկի «Գեղունի» հանդէսում տպագրուած «Թուսահայ գրականութիւնը սկզբից մինչեւ մեր օրերը» յօդուածը: Ի թիւս այլոց գրախօսը անդրադառնում է նաև Թումանեանիմ՝ անուանելով նրան «երան երգիչ»:

դնեի Լամարդիթի»:²⁸ Պոտուրեանն ակնյայտօրէն ուզում է մեղմել Թումանեանի լաւագոյն ժողովածուներից մէկի մասին տարիներ առաջ գրած իր յօդուածի հեգնական շեշտադրութիւնն ու բաւական չոր տպաւորութիւնը:

Թումանեանի՝ բանահիւսական հիմքով ստեղծուած գործերը, յատկապէս մանկական երկերը բազմիցս են արժանացել բարձր գնահատանքի: Տեղեկատուական բնոյթի հպանցիկ անդրադարձներ կան նաև «Բազմավկէպ»ում: «Ստացուած գրքեր» բաժնում յաճախակի էին յիշուում «Հասկեր» մանկական ամսագիրն ու «Լուսարեր» դասագիրքը՝ մշտական աշխատակցութեամբ Յովհ. Թումանեանի նշումով: «Բազմավկէպի» 1905, թիւ 11ում ընդհանուր գծերով արժեւորուում է «Հասկերը», նրա դաստիարակչական դերը. «Հայ դաստիարակները պարտազանցութիւն մը կատարած կ'ըլլան՝ եթէ չփութան սոյն թերթը ներմուծել հայ դպրոցներու մէջ: Մանուկին համար՝ հարկաւոր է կրթական սնունդ և գուարնութիւն. երկուքն ալ պիտի գտնեն «Հասկեր»ու մէջ»:²⁹

«Մանկական գրադարան» մատենաշարի տպագրութիւնը նոյնպէս արժանանում է հանդէսի ուշադութեանը: 1909, թիւ 3ում տեղեկացում է. «Պ. Յ. Թումանեան կը շարունակէ մանուկներու համար կենդանիներու պատկերներով բացատրուած իրագիտական-զաւեշտական-այլարանական պատմուածքի շարքը՝ որոնք պ. Գ. Երիցեանի գունագեղ նկարներով զարդարուած ըլլալով՝ ակնախտիլ են և հայ Մամուլին համար իրենց տեսակին մեջ եզական կը գտնենք»:³⁰

Այսուամենայնիւ հանդէսը ոչ մի յօդուածով կամ գրախօսութեամբ չի արտայայտում իր գնահատողական վերաբերմունքը Թումանեանի մանկական երկերի հանդէպ: Միայն շատ հպանցիկ արձագանքում է տհաճ մի բանավէճի: 1909 Յուլիսին «Մշակ»ում տպագրուում է «Գրական մեծութիւնները բանագող» յօդուածը, որտեղ Ռ. Դրամբեանը բանագող է անուանում Թումանեանին՝ «Լուսարերում» տպագրուած «Պոչատ աղուէսը», «Ծիտը», «Վէճը», «Աղուէսը-բաժանարար» հէքիաթները համարելով «նոյնութեամբ գողացուած» Հայկունու գրքից եւ յայտարարելով, թէ «Հասկերն» ու «Լուսարերը» դարձել են գրական այն շրջանակը, ուր բանագողերը՝ «հեղինակութիւն ու դիրք ձեռք թերելու տեսչով տարուած գրա-

28 Յովհաննէս Թումանեանի կեամբի եւ ստեղծագործութեան տարեգրութիւն (1909-1914), ՀՀ ԳԱԱ «Գիտութիւն» իրտ., Երևան 2016, 106-107:

29 Բազմավկէպ, 1905, թիւ 11, 525:

30 Անդ, 1909, թիւ 3, 125:

գէտները», վառքի են հասնում ու գումարներ վաստակում Ս. Հայկունու հաշուխն: Բանավէճին ի միջի այլոց արձագանքում է Պոտուրեանը: «Բազմավէպում»՝ «Ռուսահայ գրականութիւնը» խորագրի տակ³¹, անդրագառնալով ոռուսահայ մամուլին, լընթացս յիշատակում է նաեւ Թումանեան-Դրամբեան հակամարտութիւնը: Արտաքնապէս պահպանելով չչզոք դիրք՝ քննադատն իր ասելիքը ձեւակերպում է այնպէս, որ ակնյայտ է դառնում նրա վերաբերմունքը կողմերից իւրաքանչիւրի նկատմամբ. «Թումանեանը իր պաշտողները ունի՝ որոնք կրնան զինքը պաշտպանել իրենց սովորական ըրած արհամարհական ոնով, բայց Դրամբեանը յամենայն դեպս երէ չկարենայ ալ պատախանել՝ միշտ պիտի ցուցնէ մեզ այն պարտէզը՝ ուսկից պտուղներ առած է Թումանեան. այդ պարտէզը Ս. Հայկունիի «Ժողովրդական առակներ»ն են (հմտ. Մշակ 187, 189 եւն, ուր բառ առ բառ բանագողութիւնը դէմ առ դէմ կը գնէ քննադատը»):³² Պոտուրեանն անկասկած ծանօթ էր Թումանեանի «Ո՛չ գրական մեծութիւնները քննադատ» եւ դրան յաջորդած պատախան յօդուածներին: Տարօրինակ է, որ դրանից յետոյ էլ Դրամբեանի բերած օրինակները Թումանեանի գրագողութեան անհերքելի ապացոյց-

31 Այս վերնագրի ներքոյ Հ. Մ. Պոտուրեանը նոր ստացած գրքերի տեսութեան մէջ մատնանշում է նաեւ «աչքի զարմող» «Հայ գրողներ» գիրքը, որ կազմել էին Յովի. Թումանեանը, Ղ. Աղայանը, Ա. Ահարոնեանը եւ Վ. Փափազեանը: Ձեռնպակ մնալով գրքի վերաբերեալ որոշակի տեսակետ արտայայտելուց՝ Պոտուրեանը, այնուամենայնիւ, արտայայտում է մի շատ կարեւոր միտք, որ որոշակի լոյս է սփոռում հայութեան երկու հատուածների՝ միմեանց հոգեւոր արժեքները գնահատելու սկզբունքների վրայ: «Երբ Խուսահայը տանկահայ գրագետ մը պիտի քննադատէ, եւ տանկահայ գրագէտը՝ զորուսահայը, յայտ է թէ քննադատութեան մէջ հակադրութիւններ անպատճառ պիտի նկատուին: Ասիկս նաշակի խնդիր է: Խուսահայք կրնան մեզի համար ըստ թէ տանկահայք զմեզ չեն հասկնար, եւ մեմք փոխադարձարար (Բազմավէպ, 1909, թիւ 10, 477):» Պոտուրեանը նկատում է, որ իրենք աւելի շատ ընթունում եւ հասկանում են Ա. Ահարոնեանի ստեղծագործութիւնները, իսկ արեւելահայերն ել, բացի Ահարոնեանից, չեն հասկանում Սիամանքոյ եւ Վարուժան: Այս տեսակետը, որ սփիւրքում ժամանակ առ ժամանակ հնչում է նաեւ այսօր, իին արմատներ ունի: Բայց Պոտուրեանը մոռանում է, որ սկսած ժմ. դարի 80ական թուականներից՝ ինչպէս արեւմտահայ, այնպէս ել արեւելահայ հատուածներում մտաւորականութեան լաւագոյն մասը արդեն յաղքահարել էր այդ թիւրիմացութիւնը. յիշենք թէկուզ Արփիարեանի «Սնննք մեզի համար», «Մեմք ալ անոնց համար» շրջադարձային յօդուածները:

32 Բազմավէպ, 1909, թիւ 10, 479:

ներ է համարում: Աւելին, նկատի ունենալով բանաստեղծի պատասխան յօդուածների զայրացկու տոնը՝ բարեկրթութեան խորհուրդներ է տալիս նրան:

Թումանեանն այս առիթով գրում է «Հայր Պոտուրեանին» պատասխան յօդուածը:³³ Բանաստեղծը գրում է, որ «Բազմավկեպի» յօդուածն³⁴ է իրեն ստիպում «վերադառնալու էդ տիտուր խնդրին եւ մի անգամ էլ ցոյց տալու, թէ ինչ պատժով է պատժել երկինքը հայ գրողին ու հայ գրականութիւնը, որպէս մի սեւ նակատագիր շարունակ տալով նրան դատաւորներ, որոնք իրար գերազանցում են գրական տգիտութիւնով, աննաշակութիւնով, բայց մանաւանդ չարութիւնով ու կեղծաւորութիւնով»:³⁵ Թումանեանը չի ժխտում, որ Դրամբեանի դէմ իր յօդուածը իսկապէս գրուած է զայրոյթով ու կոչտ, բայց յիշեցնում է նաեւ իրեն եւ իր շրջապատին ուղղած յիշոցները՝ «քանագող», «շանտաժիստ», «աւերիչ ժանտախտ», ինչպէս իրեն «անուանում է հայ ուսուցիչը հայոց առաջադիմական բերքում»³⁶ եւ յաւելում, որ ինքը այդ յիշոցներին այլ կերպ չէր կարող պատասխանել, մանաւանդ երբ իր բերած բազմաթիւ հակափաստարկները պարզապէս անտեսւում են ու մնում անպատասխան:

Թումանեանի ստեղծագործութեանը ամէնից ծաւալուն ակնարկով անդրադարձել է Մխիթարեան միաբանութեան ականաւոր դէմքերից Հայր Սիմոն Երեմեանը. նրա «Ազգային դեմքներ. գրագետ հայեր» ուսումնասիրութեան ութերորդ պրակը ամբողջապէս նուիրուած է Թումանեանին:³⁷ Ուսումնասիրութեան առաջաբանում հեղինակը տեղեկացնում է, որ ինքը իրեւ մեթոդական ուղեցոյց ընդունում է ֆրանսիացի տեսաբան Ժիւլ Լեմետրի քննա-

33 Այդ յօդուածը մնում է անաւարտ եւ բանաստեղծի կենդանութեան օրօք այնպէս էլ չի տպագրուում: Պահպանուած ինքնագիրն առաջին անգամ տպագրում է շատ տարիներ անց՝ 1969ին «Թումանեան. ուսումնասիրութիւններ եւ հրապարակումներ»ի երկրորդ գրքում (345-347):

34 «Բազմավկեպ»ի էջերում մեզ շահողուեց գտնել Պոտուրեանի այդ յօդուածը:

35 ԹՌԻՄԱՆԵԱՆ, Յ., Երկերի լիակատար ժողովածու, Դ., ՀՀ ԳԱԱ «Գիտութիւն» հրտ., Երևան 1994, 455:

36 Անդ, 457: «Առաջադիմական» հեգնական բնութագիրը վերաբերում է «Մշակ»ին, որի հետ այդ տարիներին Թումանեանի յարաբերութիւնները լարուած էին: Թերքում բանաստեղծին անուանարկող միտումնաւոր յօդուածներ յանախ էին տպագրուում:

37 «Բազմավկեպ»ի 1914ի Մայիսեան համարում տպագրուած յօդուածն այդ պրակի համառոտուած տարրերակն է:

դատական սկզբունքը, այն է՝ ներկայացնել գրողի ստեղծագործութիւններից ստացած անձնական տպաւորութիւններն ու սեփական դիտարկումները միայն։ Մեթոդական այս ելակէտից էլ նա դիտում եւ արժեւորում է թումանեանի ստեղծագործութիւնը։

Քնարական երգերում երեմեանը իրաւացիօրէն բանաստեղծի ներշնչանքի հիմնական աղքիւրը համարում է բնութիւնը։ Անգամ «Գութանի երգում» գեղջուկի՝ իր չարքաշ կեանքի դժգոհութիւնից աւելի կարեւորում է նրա գորովալից սէրը իրեն կերակրող մայր բնութեան, իր աշխատանքի ու վաստակի հանդէպ։ «Եւ ահա՛ թախիծը կը մոռցուի իր յուսով արծարծուն «Գութանի երգ»ով։ Աշխատանքը անոյշ օրհնութիւն մըն է գութանը վարող մշակին համար»։³⁸

Վերապատմելով քնարական երգերի բովանդակութիւնը՝ ուսումնասիրողը բնութիւնը դիտում է նաև որպէս սփոփիչ միջավայր բանաստեղծի հոգու մշտական թախիծը փարատելու համար։ Բայց կարծես հակուած է թումանեանական թախիծը դիտելու որպէս յուսահատութեան նշան, երբ յոյսը երազում է անհաս ապագաների մէջ, ինչպէս մեկնաբանում է յայտնի «Հին օրհնութիւնը»։ «Կովկասի մանուկը իրեն պապերուն օրհնութեան արժանի կ'ըլլայ, «Ապրէ՛ք, երեխէ՛ք, բայց մեզ պէս չապրէ՛ք»... Ամէն շրջան իր ժամանակէն դժգոհ է. այդ յաւիտենական յուսահատ եղդերանութիւն մըն է, յոյսերու ժափիտը միշտ ապագային մէջ կ'երազուի»։³⁹

Թախիծը թումանեանի քնարական քերթուածների մէջ երեմեանը դիտում է տարբեր տեսանկիւններից եւ տարբեր դրսեւորումներով։

Եթէ վերեւում դիտարկուած դէպքերում ուսումնասիրողը չէր փորձում խորանալ թումանեանական թախիծի կենսական ակունքների մէջ, ապա «Մեր նախորդներին» քերթուածում որոշակիօրէն մատնացոյց է անում բանաստեղծի հոգին տանջող թախիծի իրական պատճառը։ Երբ դեռ կար հայրենիքը, «թէեւ գերի», նախորդները ապրում էին «հայի փրկութեան ոսկի երազներով», երգում էին «լիքը երնուանենով գալոց օրերի»։ Ցետոյ փլուզում են այդ յոյսերը։

Ուսումնասիրողը բերում է այդ նոր կացութիւնը ներկայացնող թումանեանական քառատողը։

38 Բազմավէպ, 1914, թիւ 5, 233։

39 Անդ։

«Ա՛յս, նա յօշոտուեց մեր աչքի առջեւ
Եւ մեր ըզգայուն սլրուերն իրեն հետ,
Ուկի երազներ, միրաժի նման,
Մեր անապատում չըքացան անհետ»:⁴⁰

Հետեւում է բացատրութիւնը. «Բնական եր նոր քերթողներու շլատումը, զի կը տեսնեին որ ամրող հայրենիքը կը նահատակուեր ու քրիստոնեայ տէրութիւնները պատճառ կ'ըլլային քրիստոնեայ ցեղի մը ջնջուելուն. ուսկի կուրքը հզօրապէս նոր քուրմերու երկրպագութեան կ'արժանանար...»:⁴¹

Բայց ահա բանաստեղծի անձնական ապրումները գեղակերտող երգերում թախիծը գեղեցիկ է, վկայում է հեղինակի հոգեկան ապրումների նրբութեան ու հարստութեան մասին: Իբրեւ օրինակ Երեմեանը բերում է «Ժպտուն աչքեր» եւ «Երէ մի օր...» բանաստեղծութիւնները: Այս վերջինի մասին, համեմատելով իտալերէն բնագիրը եւ Թումանեանի բանաստեղծութիւնը, գրում է, որ ներշնչուած է իտալացի բանաստեղծ Լորէնցո Սթեքեթթիի մի երկբառատող բանաստեղծութիւնից:⁴²

Թումանեանի՝ բանահիւսական հիմքով ստեղծագործութիւնների մասին խօսելիս նկատելի է, որ Երեմեանը առհասարակ մեծ նշանակութիւն է տալիս ժողովրդական բանահիւսութեան ազգային գանձերի հաւաքմանը, պահպանմանն ու դրանց գրական մշակմանը, բայց գործի դրուածքը մեզանում համարում է անբաւարար. «Հին ու նոր գրոյցները ցեղի մի ինքնարուխ քնարերգութիւնը կը համարիմ. մենք ալ մեր բնաշխարհի մեջ ունինք շատ առասպելներ համառօտ կամ երկար պատութիւններով, դժբախտարար, մեծ կարեւորութիւն տրուած չէ զանոնք գրական ձեւով վերակենդանացնելու»:⁴³ Այս տեսակէտից գնահատելի է համարում բանահիւսա-

40 Անդ, 234:

41 Անդ:

42 Այս բանաստեղծութիւնը առաջին անգամ ընդարձակ տարրերակով տպագրուել է «Նմանութիւն» վերնագրով (Դաշնակթեր, 1896, 39-40): Այսուհետեւ կրնատուած տարրերակով՝ առանց վերնագրի: «Բանաստեղծութիւններ» (Բաքու, 1908) ժողովածուի իր օրինակում բանաստեղծը ձեռագրով աւելացրել է «Նմանութիւն» վերնագիրը: Այդ վերնագրով էլ տպագրուել է «Երկերի լիակատար ժողովածուի» ակադեմիական երատարակութեան առաջին հատորում (Երևան, 1988): Յայտնի չէ, թէ Թումանեանը ի՞նչ թարգմանութեամբ է ծանօթ եղել իտալացի բանաստեղծի երգին:

43 Բազմավէպ, 1914, թիւ 5, 235:

կան նիւթի թումանեանական մշակումները։ Բայց այդ մշակումները իբրեւ գեղարուեստական ստեղծագործութիւն արժէքաւորելիս բաւական զուսպ է։

Այսպէս, օրինակ՝ «Լուսաւորչի կանքեղը» պարերգի մասին գրում է. «Ապարան բարի ստուգարանութեան (Անպարան) ֆերթուածը «Լուսաւորչի կանքեղ» աւելի հետաքրքրական կարելի էր ընել, զի նիւթը ինքնին ըստ աւանդութեան շատ գեղեցիկ է, սակայն բանաստեղծը չէ կրցած գրական գեղեցիկ ձեւ մը տալ անոր»:⁴⁴ **Մինչդեռ** թումանեանը գեղագիտի սրատես հայեացքով կարողացել է բացայատել առասպելի խորքային իմաստը, որ խտացուած է պարերգի վերջին երկու քառատողերում՝ միայն անսասան հաւատի լոյսով կարելի է տեսնել Արագածի կատարին անպարան կախուած մշտավառ կանթեղը, որի մէջ իւղի տեղ այրւում են «սուրբի մաքուր արցունիքները»։

Այնուամենայնիւ թումանեանի պարերգերի մասին ուսումնասիրողի ամփոփիչ խօսքը անկեղծ գնահատանքի տարողունակ լիցքեր է պարունակում։ «Քերթողը այս առասպելապատում բանաստեղծութեանց մէջ կը դնէ իր փափուկ հոգիէն ամէնէն անուշ ալիւնը, ներշնչուած է տեղական աւանդութեանց գեղեցկութիւններով»:⁴⁵

Անձնական տպաւորութիւնների նոյն ձեւաչափն է գործում նաեւ ուսումնասիրողի՝ քերթուածների մասին դիտողութիւններում։ «Անուշ»ի մասին գրում է. «Փափուկ քնարերգութիւն մըն է իր «Անոյշ» բանաստեղծական երկար գրուածքը։ Նիւթը գեղեցիկ է, մերք ընդ մերք բանաստեղծը խանդոս ոգեւորութեամբ կ'նրգէ երկու սիրահարեալներու տրտմագին թախիծը, բայց ամբողջական հանգոյցը բոլյ է, լնդհատուած է աշուղային բաղցրութիւնը»։⁴⁶

Այս դիտողութեան մէջ տարակոյս յարուցող մի քանի հարցականներ կան։ Նախ ինչո՞ւ ուսումնասիրողը ո՞չ «Անուշ»ը, ո՞չ էլ թումանեանի միւս քերթուածները չի կոչում իրենց տեսակի անունով, առհասարակ քերթուածը իբրեւ ինքնուրոյն սեռ չի՝ ընդունում, թէ՞ նրա կարծիքով թումանեանի այդ գործերը չեն բաւարարում սեռին ներկայացուող ինչ-ինչ պահանջներ։ Այնուհետեւ՝ ի՞նչ նկատի ունի ուսումնասիրողը, երբ երկի «ընդհանուր հանգոյցը» թոյլ է համարում, ինչո՞ւ եւ ի՞նչպէս է այդ թուլու-

44 Անդ։

45 Անդ։

46 Անդ։

թիւնը ընդհատում «աշուղային քաղցրութիւնը», եւ վերջապէս ի՞նչ է ուզում ասել ուսումնասիրողը վերջին արտայայտութեամբ։ Այս հարցերի պատասխանը միայն ենթադրաբար կարելի է կռահել, քանի որ ուսումնասիրողն ինքը որեւէ կերպ չի փորձում հիմնաւորել իր դիտողութիւնները։

Աւելի որոշակի են երեմեանի դիտարկումները «Դէպի անհունը» քերթուածի վերաբերեալ, որ ուսումնասիրողն անուանում է «երկար բանաստեղծութիւն», «ուր իմաստասիրական լուրջ եւ առողջ խոհական մտքերը սիրուն զարդեր են քերթուածին ամրողութեան, ըստ քերթողին՝ իրականութիւն եւ անրջանե համահաւասար պատրամեններ են, ամենայն ինչ անհունին մէջ կը փոշիանայ կ'ոչնչանայ։ Ամենայն ինչ երազներու հովտին մէջ կը սուզուի, անմահութիւն չկայ այս իրական աշխարհիս վրայ...»։⁴⁷ Այս տպաւարութիւնները բաւական մօտ են քերթուածի մասին այսօրուայ պատկերացումներին։

«Սասունցի Դաւիթ»ի մասին խօսելիս երեմեանը դարձեալ հարազատ է մնում գրական երկը ներկայացնելու իր սկզբունքին. քերթուածից ստացած անձնական տպաւորութեան անկաշկանդ անմիջականութեամբ քննադատը ընթերցողին պատմում է թուրմանեանի ստեղծագործութեան դիպաշարը։ Այս դէպում եւս ուսումնասիրողը որեւէ կերպ չի արտայայտում իր վերլուծականգնահատողական վերաբերմունքը ժողովրդական դիւցազներգութեան թուրմանեանական մշակման մասին։

Ամէն ինչից երեւում է, որ ուսումնասիրողի նպատակն է մի քանի բնորոշ գծերով հանդէսի ընթերցողներին ընդհանուր գաղափար տալ այդ տարիներին արդէն հանրաճանաչ ուուսահայ բանաստեղծի մասին։ Դա երեւում է նաեւ յօդուածի եզրափակիչ տողերից. «Բանաստեղծ Թուրմանեանց, - հոս արտատպուած քերթողական նմոյշներն ալ արդէն ցոյց կու տան - ունի անոյշ ոն մը, կը նմանի զմայլելի դաշնակի նուազահարութեան, միայն թէ երբեմն կը զգաս որ դաշնակին լարերը աւելի խնամքով լարուելու եւ ներդաշնակութիւնը գտնալու պէտք ունեին»։⁴⁸

Նախորդ՝ 1914ի 3-4 (մարտ-ապրիլ) միացեալ համարում երեմեանը ընթերցողի դատին էր յանձնել «Գրական պատմութիւն. ուրուագիծ 1850-1910» նիւթը, որտեղ համառօտակի անդրադառ-

47 Ա.Յ.:

48 Ա.Յ., 236:

նում է այդ տարիների ռուսահայ եւ թուրքահայ գրականութեան ականաւոր դէմքերին, այդ թում եւ Ցով։ Թումանեանին. «Նահապետական անոյշ եւ գրաւիչ ոճ մ'ունի. աւելի գեղարուեստական, աւելի կատարելագործուած։ Իր լիակատար բնարերգութիւնները հրատարակուած են 1903 եւ 1908-ին։ Փափուկ անկեղծութիւն մը, զմայլելի քաղցրութիւն մը հագած է իր բնարին հոգին»:⁴⁹ Այս փոքրիկ բնութագիրը եւս վկայում է, որ Ս. Երեմեանի ըստ պատշաճի համարեական ու գնահատող վերաբերմունքը դէպի թումանեան ստեղծագործողը ոչ թէ անցողիկ տպաւորութիւն էր, այլ հաստատուն համոզմունք։

«Բազմավէպի» 1918, 1-12 (յունուար-դեկտեմբեր) միացեալ համարում տպագրուում է «Պօզզիա Արմենի» (Մուկուս, 1916) ժողովածուի համար իբրև առաջաբան ռուս բանաստեղծ եւ քննադատ Վալերի Բրիւսովի «Հայ բանաստեղծութիւնը եւ իր նոյնութիւնը դարերու ընթացքի մէջ» ծաւալուն յօդուածը, որտեղ հեղինակը, թումանեանին համարելով «Նահապետ նոր բանաստեղծութեան», նրա մասին գրում է. «Թումանեանի բանաստեղծութիւնը (օր. իր Անուշը) կարդացող օտարազգի ժողովուրդն աւելի շատ ծանօթութիւն կ'ունենայ ժամանակակից Հայաստանի եւ անոր կեանքին վրայ, քանի թէ մասնագէտի հաստահատոր ուսումնասիրութիւններու ընթերցողը... Թումանեանի ամբողջ բանաստեղծութեան մէջ՝ հին եւ նոր՝ Հայաստան ինքնին կայ, վերակենդանացած եւ դրոշմած մնած վարպետի կողմէ ուսանաւորներու մէջ»:⁵⁰ Սա միսիթարեան հանդէսի էջերում երբեւէ հնչած ամենաբարձր գնահատականն է թումանեանի մասին։

«Բազմավէպի» էջերում բանաստեղծի կենդանութեան օրօք այլեւս չենք հանդիպում նրան վերաբերող որեւէ յօդուած կամ ակնարկ, անգամ բանաստեղծի ծննդեան 50ամեակի առիթով, որ 1919ին լայնօրէն նշւում էր ռուսահայ մտաւորական շրջաններում։

Այդ լրութիւնը եւ առհասարակ թումանեանին նուիրուած նիւթերի սակաւութիւնը «Բազմավէպի» էջերում, ինչպէս արդէն նկատել ենք մեր հաղորդման սկզբում, հարկաւ, պէտք է բացատրել ոչ թէ բանաստեղծի անձի կամ ստեղծագործութեան նկատմամբ ոչ բարեացակամ վերաբերմունքով, այլ Միսիթարեաններին բնորոշ գործելակերպով։ Նրանց ուսումնասիրութեան եւ գործունէութեան դաշտը, ինչպէս նկատում է նաեւ հայ գրականագիտու-

49 Բազմավէպ, 1914, թիւ 3-4, 100:

50 Բազմավէպ, 1918, թիւ 1-12, 140-141:

թեան պատմութեան մերօրեայ ուսումնասիրող Ժ. Քալանթարեանը, առաւելաբար եղաւ եւ մնաց բանասիրութիւնը, հին շրջանի գրականութիւնը. «Նոր գրականութեան զարգացման անբաւար վիճակը, եղածի նկատմամբ էլ գոյութիւն ունեցող թերահաւատութիւնն ու քամահրանքը (յատկապէս աշխարհարար գրականութեան նկատմամբ) գրական մշակների հետաքրքրութիւնն ուղղում է դէպի հին, վաւերական արժեք ունեցող դասական գրականութեանը»:⁵¹ Սրան պէտք է յաւելել նաև ոչ բաւարար տեղեակութիւնը արեւելահայ գրական-մշակութային կեանքի անցուղարձերին:

Այս ամէնով հանդերձ՝ «Բազմավէպի» անդրադարձները ռուսահայ գրականութեանը, մասնաւորապէս Թումանեանի ստեղծագործութիւններին, այսօր, երբ օրախնդիր է անցեալի մշակութային արժէքների վերահմաստաւորման ու վերագնահատման անհրաժեշտութիւնը, ձեռք են բերում կարեւոր գրապատմական նշանակութիւն, եւ մշակոյթի պատմաբանները չեն կարող շրջանցել դրանք:

ԵՒԱ ՄՆԱՑԱԿԱՆԵԱՆ

“”

”

”

51 ՔԱԼԱՆԹԱՐԵԱՆ, Ժ., Հայ գրականագիտութեան պատմութիւն, Երեւանի համալսարանի հրատարակութիւն, Երեւան 1986, 153:

Summary

ATTEMPTS TO ASSESS TOUMANIAN'S WORKS IN THE PAGES OF THE JOURNAL *BAZMAVEP*(1890-1923)

E. J. MNATSAKANYAN

It is known that the framework of the literary and philological interests of the Mekhitarians relates mostly to the ancient and medieval periods. But since the beginning of the 19th century an interest towards the modern era becomes noticeable. This is a serious theme of research in light of literary developments as it is interesting to reveal how psychologically diverse literary circles understood and appreciated those developments. The aim of this paper is to investigate the reactions to Toumanian's works in the pages of *Bazmavep* from the aforementioned perspective.

During 1890-1923, *Bazmavep* included only a few, not very substantial articles on Toumanian (M. Poturian, S. Eremian, G. Balasanian, etc.). It would certainly be too simplistic to conclude that this fact proves that the journal gave less attention or importance to Toumanian's works or underestimated him. As the analysis of the materials show, this was a question of principles. Neither in theory, nor in practice could Toumanian's works be included in the frameworks of the widely-accepted criteria of the Mekhitarian journals suggested by the Armenian poetry of the time, especially at the turn of the century. However, it should be noted that opinions which hold today and which accurately highlighted the peculiarities of Toumanian's works sometimes appeared in the printed texts.